



**АКАФИСТ  
БОЖНЕЙ МАТЕРИ,  
ЧИТАЕМЫЙ ПЕРЕД  
ИКОНОЮ ЕЯ  
«АБАЛАКСКАЯ»**

Тобольск  
2015г.

По благословению  
Высокопреосвященнейшего Димитрия,  
Митрополита Tobольского и Тюменского

© Издательско-информационный отдел  
Тобольско-Тюменской Епархии



## АКАФИСТ

Пресвятой Владычице нашей Богородице,  
читаемый перед иконой Ея «Абалакская»

### Кондак 1

Избранней Предвѣчным Царѣм в наше спасение,  
Небеси́ и земли Царице! / благодарственную похва-  
лу приносим Ти, раби Твои, Богородице. / Ты же,  
яко имущая милосердие неизречѣнное, / от всяких  
нас бед и скорбей свободи, да зовем Ти: / Радуйся,  
Влады́чице, ми́лостивая пред Богом Засту́пнице!

### Икос 1

Ангельскими усты подобает сла́вити Тя,  
Влады́чице Богородице, яко нача́тки просвещѣния  
Христианскаго в земли Сибирстей благоволи́ла  
еси освятити прише́ствием Свои́м, Свята́я Дево:  
изво́лила еси вдови́це благочести́вой открыти волю  
Свою о спасении людей, поющих Тебе таковая:

Радуйся, Ангелов Цари́це.

Радуйся, всея твари Влады́чице.

Радуйся, праведных весѣ́лие.

Радуйся, кающихся грешников спасѣ́ние.

Радуйся, мира от гибели к Богу обращѣ́ние.

Радуйся, Церкви Христовой прославлѣ́ние.

Радуйся, православных утешѣ́ние.

Радуйся, образе любви и милосѣ́рдия.

Радуйся, Влады́чице, / ми́лостивая пред Богом  
Засту́пнице!

## Кондак 2

Ви́девше Боголю́бивая вдовица Ма́рия в трикра-  
тных ви́дѣніяхъ всечестна́го ли́ка Богома́тере  
изображе́ние и услы́шавши повеле́ние возвести́ти  
волю́ Ея, ужа́сом ве́лиим одержима бы́ша, оба́че  
убо́яся пове́дати люде́м, пою́щи Бо́гу: Аллилу́ия.

## Икос 2

Вразумле́нія ища́ о чуде́сных явле́ниях иконы  
Твоея́, Влады́чице: блаже́нная вдовица нова́го  
удосто́ися ви́дѣнія. В немже вели́кий святи́тель  
Никола́й грозно повеле́ ей возвести́ти тайну ви́дѣнія  
своего́ и научи́ взыва́ти Богоро́дице:

Радуйся, милостивое о людех попече́ние.

Радуйся, сомне́ний разреше́ние.

Радуйся, веру хри́стианскую утвержда́ющая.

Радуйся, миром сердца́ наша́ наполня́ющая.

Радуйся, призыва́ющим Тя помога́ющая.

Радуйся, всех скорбя́щих утеша́ющая.

Радуйся, уго́дники Бо́жии укрепля́ющая.

Радуйся, Свята́я Святы́х бо́льшая.

Радуйся, Влады́чице,/ ми́лостивая пред Богом  
Засту́пнице!

### Кондак 3

Благодать Божию воспримите, Тобольстии людие,  
вопийше вдовица она́я, грядёт бо Царица Небес-  
ная, иконою Своею залог нам да́ти во спасение,  
поющим Богу: Аллилуия!

### Икос 3

Имея неложныя свидѣтельства милосердия Божия,  
прия́ша вси благословение Тобольского архипа-  
стыря Некта́рия устро́ити церковь Богородицы во  
Абала́це, в радости поюще Ей таковая:

Радуйся, в книзе жизни запечатлённая.

Радуйся, похвало всея вселённая.

Радуйся, надеждо нашего спасёния.

Радуйся, источнице нашего обновлёния.

Радуйся, благословённое благодати стяжание.

Радуйся, светильниче, тьмы неверия прогна́ние.

Радуйся, ленивых воздвиза́ющая.

Радуйся, человеки от пагубы спаса́ющая.

Радуйся, Влады́чице,/ ми́лостивая пред Богом  
Засту́пнице!

#### Кондак 4

Буря помышлений сумнительных в радостную тишину преложи́ся, егда вдовица уви́деша образ Пречистыя Богородицы подо́бен Зна́мению Новгородския, то́чию с предстоящими святителем и чудотворцем Николаем и преподо́бною Мариєю Египетскою, к нему́же ныне притека́юще, поем Богу: Аллилуия!

#### Икос 4

Слышав Евфимий, рассла́бленный телом, но не духом, от не́коего старца Павла, еже бы написати явлéнную икону в новую Церковь, созида́вшуюся по повелению Божию во Абала́це, потща́ся вда́ти дело сие иску́сному в иконописа́нии протодиáкону тобо́льского собора Матфе́ю. Егда же образ сей писа́шеся, болящий пома́лу целя́шеся и в ра́дости зыва́ше к Богородице:

Радуйся, надежное ко спасению извещéние.

Радуйся, веры православныя утверждéние.

Радуйся, благия обеты приéмлющая.

Радуйся, к славе Божией вся устроя́ющая.

Радуйся, скорое о людех попечéние.

Радуйся, болящих исцелéние.

Радуйся, печальных утешéние.

Радуйся, благочестия укрепление.

Радуйся, Влады́чице, / мило́стная пред Богом Засту́пнице!

### Кондак 5

Богоизбра́нное место сие́ показа Господь в чудном видении народу, во тьме́ поклонёния идолам ходившему, яко град свята́щийся с церквами и звоном ве́лиим на возду́се стоя́щий, иде́же ныне град Тобольск. И дивля́шеся народ весь: что убо будет сие́? Мы же, разуме́ша силу Божию в приобщении сибирских народов Вере Православной, поем Богу: Аллилуия!

### Икос 5

Ви́девше людие тобольстии честну́ю икону Божия Матери, явившую чудесное исцеление болящему Евфимию, яко Божественное сокровище прия́ша ю и поста́виша в но́вом храме во Абалаце, раду́ющеся и вопиюще к Богородице:

Радуйся, светило, в земли Сибирстей просия́вшее.

Радуйся, иконою Своею благодать пода́вшая.

Радуйся, добрые начинания благословля́ющая.

Радуйся, церкви Божии созида́ющая.

Радуйся, грешных с Богом примире́ние.

Радуйся, грехов наших проще́ние.

Радуйся, храмов наших украше́ние.

Радуйся, сердец наших умиле́ние.

Радуйся, Влады́чице,/ ми́лостивая пред Богом  
Засту́пнице!

## Кондак 6

Показа́ша силу Божию во язы́цах сибирских  
сын Тимофея Василий со дружиною малою, по  
воле Божией единогласно глаголюще: «С нами  
Бог, разумеите языцы и покоряйтесь, яко с нами  
Бог», ополчение в пять и десять тысяч иноверных  
прогна́ша, вере Православней на Абалаце послу-  
жиша и хвалу Богу воспеша: Аллилуия!

## Икос 6

Возсияла есть благодать Бога Всевышняго, от  
цельбоноснаго источника иконы Пресвятыя  
Богоматери, в храм новый принесённой и Сибир-  
стей земли в покров явлённой, здравие душ и телес  
нам подающей, во еже пети Ей таковая:  
Радуйся, храмов Божиих велие украше́ние,  
Радуйся, образе кротости и смире́ния.  
Радуйся, благоухание Богу приятно́е,  
Радуйся, кающихся веселие изрядное.  
Радуйся, падучия болезни исцеля́ющая,  
Радуйся, слепым прозрение да́рующая.  
Радуйся, страху Божию нас науча́ющая,  
Радуйся, молние, души наша просвеща́ющая.  
Радуйся, Влады́чице,/ ми́лостивая пред Богом  
Засту́пнице!

## Кондак 7

Малой дружине Ермака, в молитве ночь проводящей, явися воеводе святитель Николай, повелевая в чистоте жити и прилежный пост имети и добродетели с братолюбием проходить, и проречѣ: яко будет на Красной горе во Абалаце дом в жилище Богу и мене впредь; о дивном явлении Василий всем возвести, мы же дивящися, вопием Богу: Аллилуия!

## Икос 7

Хотяй архипастырь Тобольский Корнилий пастве своей, в беде от многих дождей пребывающей, помощи, икону Божией Матери Абалакскую во град принести повелевше и падше пред Нею с народом, взываше: О, Заступнице пред Богом Всевышним, гнев праведнаго Судии отврати и беду от града сего отведи и милосердие чадом своим покажи, зовущим Тебе таковая:

Радуйся, силою Вышняго благословѣнная,

Радуйся, выше небес превознесѣнная.

Радуйся, безведрие прекращающая,

Радуйся, пажити от всякого вреда сохраняющая.

Радуйся, погибающих взыскание,

Радуйся, градов и весей упование.

Радуйся, милосердие Божие нам являющая,

Радуйся, веру нашу чудесами утверждающая.

Радуйся, Владычице,/ милостивая пред Богом  
Заступнице!

### Кондак 8

Странными и пришельцами в мире сем научая нас  
быти, Пресвятая Дево, благоволила еси на месте  
явления Своего обитель иноческую создати и лик  
монахов в тую обрати, в ней же повелеваеши всем  
горняя мудрствовать, а не земная, воспевая Богу:  
Аллилуия!

### Икос 8

Вся еси в вышних, но и нижних не оставляеши,  
Богородице Дево: житием бо Твоим чистоте и свя-  
тыне научаеши, благодатию же недуги исцеляеши,  
сердца наша радости исполняеши, от усердия  
приносящих Ти таковая:

Радуйся, Духом Святым руководимая,

Радуйся, Воеводо христиан Непобедимая.

Радуйся, нищетою духа блаженство восприявшая,

Радуйся, смирением и кротостию просиявшая.

Радуйся, жаждущих спасения Скоропослушнице,

Радуйся, щедрот независтная Подательнице.

Радуйся, всех духовно укрепляющая,

Радуйся, страждущим всем помогающая.

Радуйся, Владычице,/ милостивая пред Богом  
Заступнице!

## Кондак 9

Всякое житѣйское отложивши попечѣние, к Тебе притекаѣм, Всемілостивая Владычице, да исполниши сердца наша милостию Твоею, да ею укрепляеми в вере, воспоем Богу: Аллилуия!

## Икос 9

Витии многовещаннѣе недоумеваютъ, како прибегающе к иконе Твоей приѣмлютъ Божественную благодать и помощь скорую, мы же, укрепляеми глаголомъ Божиимъ, яко вся возможна верующему, притекаемъ образу Твоему, в надеждѣ Божественнаго промыслѣнія со благодарѣніемъ вопиюще:

Радуйся, веры Христовой утверждѣние,

Радуйся, душъ нашихъ спасѣние.

Радуйся, подательнице Божественныя благодати,

Радуйся, источнице благодатныхъ радостей.

Радуйся, страны нашей духовное просвѣщеніе,

Радуйся, Православія сохранѣние.

Радуйся, образъ Свой дивно являющая,

Радуйся, неверныхъ ко Христу приводящая.

Радуйся, Владычице, / мѣлостивая предъ Богомъ  
Застѣпнице!

## Кондак 10

Спасительное прибежище от пагубных соблазнов  
мирасего явила еси во Абалаце, Богородице, устроив  
обитель иноческую, и в ней иконою Своею всех  
притекающих с верою без утешения не оставляеши  
и доброму христианскому жительству научаеши.  
Мы же в сердцах наших поем Богу: Аллилуиа!

## Икос 10

Стена и покров земли Сибирстей дадеся святая  
икона Твоя, Богородице, ибо небеси и земли Творец  
ублажать Тя вси роди призывает, и образ цело-  
мудрия и чистоты нам в Матери Своей показует,  
темже, славяще, воспоем Ей таковая:

Радуйся, Честнейшая Херувимов,

Радуйся, Славнейшая Серафимов.

Радуйся, Царице и Владычице небес и земли,

Радуйся, крине белоснежный девства и чистоты.

Радуйся, детей благословляющая,

Радуйся, юных к добродетелем направляющая.

Радуйся, сласти земныя презирати научающая,

Радуйся, сад духовный в Сибири насаждающая.

Радуйся, Владычице, / милостивая пред Богом  
Заступнице!

## Кондак 11

Пение хвалебное во гла́се уст и сердец наших приими от нас, Влады́чице, яко звезда у́тренняя и солнце светле́йшее, явилася еси спасти род челове́ческий. Мы же, благодаряще Бога о явлéнии Твоем, вопием: Аллилуиа!

## Икос 11

Светопріёмная свеща́ Истинна́го Света, су́щим нам на земли я́вляшаяся, ду́ши просвеща́еши и чту́щих святую икону Твою к разуму Божественному наставля́еши, да поем Ти сицева́я:

Радуйся, светом Твоим души наша озаря́ющая,

Радуйся, хлебом жизни вечныя нас пита́ющая.

Радуйся, навыков греховных искорене́ние,

Радуйся, злобы и гнева умире́ние.

Радуйся, на суде Божиим верным заступле́ние,

Радуйся, пред Богом наша Хода́таице.

Радуйся, земнаго пути освяще́ние,

Радуйся, о душах наших попече́ние.

Радуйся, Влады́чице,/ ми́лостивая пред Богом  
Засту́пнице!

## Кондак 12

Благодать Божию чрез икону Свою, Богородице, на нас изливающая и благими помышлениями сердца наша озаряющая, Пресвятая Дево, от греховнаго сна нас пробуди, ненависть ко греху имети научи и к добродетели настави, да благодаряще Бога, воспоем Ему: Аллилуия!

## Икос 12

Поюще Ти, Дева Всепетая, пред чудотворною иконою Твоею во граде Тобольске явленной, благодарно припадая и с любовью лобызая ю, молим Тя, настави малое стадо Твое на путь спасения, да достойни будем милости Твоея, воспевающе Ти сице:

Радуйся, путь спасения миру возвестившая.

Радуйся, основание обители Абалакския положившая.

Радуйся, Своей обители украшение.

Радуйся, притекающих к святыне Твоей утешение.

Радуйся, обителей монашеских утверждение,

Радуйся, иноков укрепление.

Радуйся, кающихся прозрение,

Радуйся, ищущих спасения вразумление.

Радуйся, Владычице,/ милостивая пред Богом  
Заступнице!

### Кондак 13

О Всепетая Мати Господа нашего Иисуса Христа! От ангел достойно чтима́я и ликом Сибирских святых прославля́емая, милостивно приими́ благодарéние Тебе приноси́мое, да спаса́емии Тобою, поем Богу: Аллилуия!

(Сей кондак чсчитается трижды,  
затем икос 1 и кондак 1).

## МОЛИТВА

О Всеблагословенная Владычице, Богородице Дево, прими ходатайством великаго святителя и чудотворца Николая, вкупе с преподобною Мариею Египетскою, сию молитву, Тебе ныне приноsimую от нас, недостойных рабов Твоих, к цельбоносному образу Твоему со умилением притекающих. Услыши моление нас, грешных и недостойных раб Твоих, с верою благодатной помощи просящих. Якоже бо тогда страждущим людем тобольским помогала еси, и небеса от многих дождей изсушила еси, и землю плодотворением исполнила; сие и ныне грозныя тучи неверия и всякаго зла, на страну нашу нашедшия, молитвами Твоими отведи и во благочестии и вере православныя люди Твоя утверди, а неверныя и отступившия к Церкви Святей приведи, да вси в единомыслии и благой надежде на спасение вечное прославим Бога в Троице славимаго, Отца и Сына и Святаго Духа, и Твое милостивое о нас предстательство во веки веков. Аминь.

ЇБЛАЦКІА ІКѠНЫ БЖІА МѢРЕ “ЗНАМЕНІЕ”:

Тропарь, гласъ ѿ:

И́и҃е свѣтаѡ сѣ́етъ во ѡблаци / ѡбразъ твоѡ прѣтѣла  
дѣо бѣе, / ѡ, ѡкѡ со́лнце незаходѣмоє снѣ́рскѣя зема́н, /  
ѣго́же бѣдѣше на воздѣе / со ска́тїтелемъ ѡ  
ѡдотворѣмъ нїко́лемъ / ѡ прѣпеномъ марїѣ ѣгѣпетскѣ, /  
вдовѣца молѣше тѣ со слезѣмъ. / ѡ мы, кѣ тебѣ  
притека́юще, зѡвѣмъ: // мїръ ѡбѣща твоѣ дѣрѣ ѡ  
дѣшѣмъ на́шымъ бѣлѣ мѣтѣ.

Кондакъ, гласъ ѿ:

Честна́гѡ ѡбразѡ твоѡгѡ ѡблѣнїѣ, / прѣтѣла дѣо бѣе, /  
сѣ вѣронъ взирѣнцѣмъ сѣте́нїемъ бѣлѣт, /  
мно́жествомъ ѡдѣс твоѣхъ странѣ снѣ́рскѣ  
покрѣваши, / ѡ нѣнѣ мо́лимсѣ спѣтїсѣ тебѣ по́нцѣмъ. /  
рѣдѣсѣ, блѣнцѣ, // зна́менїе мѣтѣ твоѣ на́мъ  
ѡблѣнцѣ.